

善本方志輯·第一編

中國地方志集成

乾隆溧水縣志(二)
康熙泰興縣志
萬曆揚州府志

中國地方志集成

善本方志輯·第一編 ④7

乾隆溧水縣志(二)

康熙泰興縣志

萬曆揚州府志

鳳凰出版社●上海書店●巴蜀書社

圖書在版編目（C I P）數據

中國地方志集成. 善本方志輯. 第一編 / 鳳凰出版社
編. -- 南京 : 鳳凰出版社, 2014. 5
ISBN 978-7-5506-1218-1

I. ①中… II. ①鳳… III. ①中國—地方志 IV.
①K29

中國版本圖書館CIP數據核字(2014)第101386號

中國地方志集成·善本方志輯·第一編

著 作 者	本 社 編選
責 任 編 輯	王愛榮 吳 瓊
封 面 設 計	范一辛 姜 嵩
出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編:210009
出版社網址	http://www.fhcbs.com
經 銷	鳳凰出版傳媒股份有限公司
印 刷	金壇市古籍印刷廠有限公司 江蘇省金壇市晨風路186號, 郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

(本書凡印裝錯誤可向承印廠調換, 電話:0519-82338389)




乾隆溧水縣志(二)

(清)

凌世御
賈文興

纂修



目 錄

乾隆溧水縣志 (二)	〇〇一
康熙泰興縣志	一八一
萬曆揚州府志	二九七

水縣志卷九

人物上 忠義

孝友

鄉賢

節烈

人固有特立獨行矯然出羣者謂之傑人之傑地之靈也夫人各囿于其地風氣雖殊其屬俗維世信今傳後則一也溧水近東南金箭之鄉砥行立名足為粹式者固不乏矣傳其人所以傳其地也致其實定其品而分其目志人物

忠義

宋

梁水縣志

卷九 忠義

宋處登政和八年進士建炎二年官左從事郎潭州瀏陽令四年軍賊杜彥等陷瀏陽處力戰三日死之湖南安撫司閫諸朝贈通直郎與其子柔嘉思澤後以嘉歷仕贈至大中大夫三世孫紹遠明遠四世孫用泰棟俱擢科第五世孫立之祐之以易學授徒于家劉紹靖康間官安撫使金兵至紹以抗敵死其後日應炎者任臺諫有聲挺立不附賈似道被謫

元

趙龍澤字萬里宋隱逸趙林之元孫鄉賢趙鑑之子為

人前麟自負有司舉教授甫就職即謝去會汝穎兵

陷建業龍澤不屈死之子權亦從父死弟雷澤長子

棟婦夏氏次子楷與其婦劉氏弟宗澤之婦衡氏同

赴水死獨雷澤宗澤與棟以他故得免元陳祖仁傳

不垂堂百金之子不騎衛此言其身貴則愈益慎重

之也豈惟富貴雖卑門空室得衣蔬食之徒彼自顧

其身與千金百金無異設使其貴足以自裕其才冠

傳策負顯氣指使一旦觸變如蜂蟻之害不啻毫髮

亦無不變色而改度者此人之至情非可誣也然

斧鑿之慘懸絕蠅蚋之醜殊異釐毫則有訖然

人殊哉彼其恨于心者固已貫于金石久于天地光

于日月非死生所能變也余觀兵興以來侯王牧守

下至匹夫匹婦不屈於兵死者甚眾亦往往傳誦於

人不幸卒然玉石俱煨泯沒於空山絕漢人無聞之

者蓋不少尤足悲也乃今趙龍澤等事以余聞尤卓

卓奇偉可異焉彼其男子未嘗需一命授升斗之祿

其婦則女子又惟織紉飲食是議其見聞不出閭閻

乃皆一時捐軀効死若風昔相要結亦何心哉由此

觀之與天地並立無愧者在此不在彼夫趙龍澤者

未嘗死而地名不常存存者春秋法所當書者趙龍澤者

溧水縣志

卷九 忠義

二

聞之遂得過去初城且陷宗澤妻衛氏謂檣婦曰事雖矣可奈何汝姑年高而汝婦婦劉夫在也或可免若寧死也夏曰吾意亦然即共赴池水劉聞之嘆曰嗟乎吾夫子且不自保能衛我乎亦死於水時楷未遇害故云然惟宗澤佐書行臺以公事如浙西故不及難後七年閩臺監察御史福建左丞李士瞻以聞于朝贈龍澤浙東帥府照磨指南安附後二載余自張掖召還始識宗澤愛其惻惻附離龍澤於義弗順爲人而令之學者顧先三烈婦附離龍澤於義弗順易稱父父子兄兄弟夫婦婦而家道正矣其下歲月濡染不言而喻跡其或死或生或先或後或久或近蓋不失其正厥有孫來非偶然者余故推本龍澤哉人知鄉本邇海而亂者或少哀焉

明

齊泰原名德字尚禮別號南塘洪武二十年舉應天鄉

漢水縣志

卷九

忠義

三

試第一明年舉進士授禮部主事尋改兵部會雷震謹身殿上禱郊廟以泰官九載無過得陪祀賜名泰三十年陞本部左侍郎明年進尚書上召問邊將姓名泰歷舉以對無遺又問諸圖籍泰袖出手冊以進大稱旨是年受顧命時諸王方擁重兵專制多驕逸不法建文嗣位詔諸王臨邸中毋奔喪兼殺諸王權詔下諸王弗悅多銜泰已而文皇竟入臨泰請勅急勒還國泰嘗使北平伴內其賂歸請爲邊費上益倚重之初上在東宮意固不忘諸王太常卿黃子澄嘗

陳說七國事當上意至是謂國事必召齊黃共建策諸王有罪輒除國時有高巍者諫止之其旨云陛下毋行晁錯削奪之謀當從主父偃推恩之舉上善其奏然竟不行及周王有罪文皇曲爲解諸臣皆曰燕固私周耳且彼諸王何爲獨燕王有塞上功諸將素憚之奈何不亟爲備于是數遣使廉燕陰事日急靖難兵起發時上方召學士輩沾沾弄柔翰討論周官法度不暇令詔問外事一付泰泰移檄指斥削屬籍無所憚靖難兵亦遂以誅泰等爲名書數上不

漢水縣志

卷九

忠義

四

報後靖難兵臨淮聲大振上不得已召齊黃官以報文皇請罷兵文皇曰此直鼠輩自耳能餌我哉越兵益進上亦復召齊黃未及至金川門聞建文君已遁才刃走廣德道遇修撰王叔英詰以不死泰慟曰吾志在後舉未敢死耳叔英自殺泰復募兵他郡被執見文皇不屈死之泰兄弟敬宗宰俱以泰死子甫六齡倖免宗黨悉遣戍仁宗朝赦還仍給故業今邑北十里有尚書舖泰宅也嘉靖四年贈諡曰節愍知縣王從善謝廷菴相繼爲祠祀之仍請以泰五

世孫光裕補博士弟子員守司光裕卽六齡兒後也
天啟元年知縣張錫命申請應天府尹徐必達題准
豁免泰宗黨楊保元駱應鵬等四十五家回籍歸業
賜表忠祠勅縣官春秋祀之泰曾祖盈輔祖澤父仲
榮贈如泰官

齊陽彥齊襄城齊大愷齊時永司馬叔父也齊敬齊宗
齊宰司馬從弟也靖難兵至金陵司馬募兵他郡同
居親屬盡執至京上問奸臣齊泰等何人陽彥
等應曰系吾侄也泰吾兄也何奸之有篡逆忠良天

探水縣志

卷九 忠義

五

下後世自有定論遂賜死時六月三日也越二日司
馬亦被執至京此七公者面目如生蟬蟻不敢近司
馬見而笑曰真不愧吾齊氏子孫矣又二日上聞其
屍不朽命棺殮之置於朝陽門外洪熙嗣位渡江南
下在風卒起幾欲覆舟上禱之曰小子高燦嗣位未
幾或不至罪干天譴想先帝於建文諸臣未免夷戮
太過朕歸教之言畢風波頓息遂赦建文諸臣罪賜
齊泰家屬七棺歸葬里人哀而葬於邑東十五里蒲
塘莊舍邑之縉紳學士涕泣往弔曰此七賢也遂以

名其墳

魏澤字彥思少有學行洪武中官刑部尚書建文時謫
爲寧海尉時文皇遠方孝孺械繫獄以姚廣孝言欲
勿殺乃捕其族黨輒下獄以休方而方卒勿屈故方
氏族黨殆盡諸嘗善方者人人危莫不諱言方氏澤
獨以一尉犯不測傾身庇焉竟能存方氏後天下義
之謝文肅所稱孫枝一葉者是矣後直指黃紀賢代
巡至深建石碑于北門橋表澤大義

探水縣志

卷九 忠義

六

子業嘉靖間由臺史授台州府知事監司林應箕廉
其能俾孫仙居再擢黃巖皆稱治會倭犯黃巖界
率兵迎敵倭爲之却初所率民兵俱不習戰又以倭
卽引去備稍弛越五日倭突至城遂陷肆掠報監司
不之譴益加顧勞瞻感激自誓往禦倭於拘嶺以奇
兵掩殺之至釣魚嶺倭亦以奇兵還擊之衆潰肆獨
殿與寇相持者越日手刃若干殺獲不至遂陣沒年
三十八聞者哀而壯之監司上其事于朝其子尚質
亦上書白父死節狀上可其奏追贈太僕寺寺丞廕

一子命台州立祠祀焉賜額忠忠見明史忠義傳

李佛保深之有力人也居恒忠義自許邑人不之議也

嘉靖三十四年海倭起犯深泉惶潰保獨挺身力戰

死于募軍橋

丁遵與李佛保同時倭至奮力以禦弗克死

劉鳳池少屬名節崇禎甲申之變卽以死自誓乙酉勢

不支遂引決作遺言付子六斤從容赴水死家人跡

至見衣冠整飭立河中面如生

國朝

深水縣志

卷九 忠義

七

劉虔邑庠生順治二年乙酉十二月土賊乘城據樓櫓

虔登城力拒揮刃失手爲賊刺死

孝友

宋

伊小乙剖腹取肝療母疾乾道間聞于朝旌其里曰表

孝

夏某逸其名漆橋人事母至孝淳熙間旌其里曰昭孝

劉興祖割股療父疾愈而復作又割腹取肝雜糜進之

嘉定間旌表

謝千九山陽鄉人割股療父疾

陳某逸其名恩鶴鄉人咸淳間割股療母疾

嚴晃朱武進士幼以孝聞元兵渡江晃負母避與兵值

兵刃其母晃身蔽之刃中其頸終身不能仰視壽七

十八終

鄭雲龍割股療母疾

趙煥字仲章以該洽聞授儒學教諭父卒葬西亭山廬

于墓終身不復仕四方學者多宗之尊爲亭山先生

有文集惜不傳

深水縣志

卷九 孝友

八

明

虞周邑庠生母史氏患瘰諸醫不効割股進遂愈

梅洪少孤未嘗學而所行有儒者風性至孝母膳必以

甘脆進婦勿樂也洪出輒有後言洪覺之一日呼婦

數之曰新婦無禮於姑何論其它若亟出從此絕矣

親舊力爲解卒不聽自是洪獨與母居餘二十年不

言娶後其母瞽每行必負之且泣曰天乎安得使吾

母一見孤兒哉無何目忽一明人皆異其孝咸云母

年九十五卒洪悲號若嬰墓然廬墓終三歲還縣令

聞其賢屢及門洪輒避去令語其鄰曰孝子薄令耶
吾且欲教孝子以道孝子其有意乎洪聞之始與見
令曰惜哉子未學也子志于孝而勿娶是不知無後
爲大也是使子父母傳子而絕也奚其孝洪泣下令
心知其貧爲娶婦內之無何生子矣而益貧婦亦勿
樂也數求去洪嘆曰吾昔也子而婦今也父而母固
命也復何言婦竟去後數歲其子卒洪亦隨卒邑人
憐之收葬於城北十里許後有監司宋某者題曰孝
子梅洪之墓人呼爲梅孝子墓而不名黃山人汝金

溧水縣志

卷九 孝友

九

曰洪有鄰人兄弟爭產者洪願分已產以償所爭爭
者服其義而解洪嘗倡新白侯廟諸富人爭餉之洪
日以半升水糲自隨諸富人不取復言餉議者又服
其介里中兒有目攝其母者見洪大慚洪兩遣婦皆
處以禮嗚呼洪果不學而身備諸善乎哉然而可以
概洪者則無如孝云

丁濂成化間爲諸生事母孝母死廬墓側時王令弼稱
長者悉濂哀毀狀過過慰之與之語若將厭厭從地
下者令爲嗟嘆不已令凡三過濂卒無異異所見令

去濂亦無所報謝令益高之將聞其事於朝濂遙謝
曰使君意良厚獨奈何使濂以大不幸者就旦夕名
濂且嫗死矣令亦驚訝曰吾欲以旦夕名重輕子曩
實非知子者後歲餘濂爲貲郎入都王令時在比部
因揆丁孝子廬墓記贈之雅非濂意也

黃英字奇中事父母色養備至割股二次廬墓六年成
化時邑令夏環上聞旌其門賜七品冠帶

周什一少孤貧父用四早卒事母朱氏至孝負販以養
一日母病思食鮮魚時大風漁人罷釣什一走湖濱

溧水縣志

卷九 孝友

十

適覓得一鮎倍價購歸剖之得黃金百兩後以是起

家

程鳳鳴山陽鄉人爲諸生父卒於姚州吏目土官接其
妾因匿其柩鳳鳴往迎之徒步悲號白其寃於上迎

柩還

傳良贊賢鄉人歲貢不樂仕母死廬墓以孝聞應傳令

應禎聘而出聞者曰傳生旣敝屣乎世而又爲傳令

屈則傳令賢可知矣

虞欽割股療母

黃根割股療父

周家慶字承善父尚禮邑庠生早卒事母沈氏以孝聞母嘗病篤百藥不瘳慶衣不解帶水不入口徹夜祈斗願以身代母病遂瘳壽七十九歲

趙鳴臯字聞野幼喪父母事繼母至孝卽累擯斥而孝勿哀母亦反爲所化貧而力學試屢不過遂篤志教子之驛成名進士生平樂施尚義德邵年高舉鄉賓者再壽八十有七所著有江川漫興樂善齋漫吟趙公小言諸集行于世

溧水縣志 卷九 孝友

袁文化父死廬墓九載

蕭泮年十九父貧外賈久不歸號泣辭母涉江淮歷汁冀踪跡不得數年而後返致疾終其身事母陳盡孝楊振新邑庠生父死廬墓

章憲文南昌府通判甫詔子也幼穎秀能文性正直爲庠序所推重稭年喪母事繼母曹至孝曹不以子子之計害百端憲文甘受不出片語父病禱天所保盡于道不形事跡可稱純孝矣

徐學忠以純孝稱於鄉里天啟間奉旨旌賜粟帛

任超性至孝父病危超籲天割股調劑未進而父愈人謂天哀孝子云

王象震號蜚菴邑庠生性慕高逸酷好陽明先生之學父老病侍養與同卧起與人交一以誠所著有約樂居質言二十卷蜚菴詩稿二卷

任其龍邑庠生生而穎異性嗜古屢困于場屋時賢惜之父年九十餘與其弟承歡膝下鄉人喜曰今日復見萊子矣平居立身端恪接物則藹然飲人以醇晚年棄舉子業徜徉山水間有落花三十詠併詩集行世

溧水縣志 卷九 孝友

世

蕭仲芳字甫馨生而頎偉就學時先生試以對曰卧冰知子孝應聲曰立雪見師尊補弟子員杜門學古以孝友自立兄警仲芳事之恭子侄婚嫁悉以爲己任國朝

湯學紳三歲失母撫於繼母劉患癰紳吮之繼以膏糞劉視紳若雛裒而紳報劉若乳哺劉逝事後母鄭亦如之父死廬墓盡哀順治十一年有司上聞建坊表其閭

黃明詔父病割股以療畢鄉飲介負其子世紀復效之
母疾亦瘳

張鏞幼篤於孝行母王氏病膈幾不起鏞割股和藥進
之而母愈已而母病復作鏞復剗膚取肝爲寸許者
二投盂中遂昏仆地閱三日忽見一老僧握手謂之
曰汝母當無恙汝今事已畢可以行矣言訖不見又
一日而卒時年二十一縣令馮泰運旌獎之後縣令
李作楫有傳題其墓曰孝子張鏞之墓

錢文象素有孝行父母亡廬墓三載見親友絕不言笑

涿水縣志

卷九 孝友

十三

力田祭掃足跡不入城市教子孫以孝爲先鄉黨中
稱爲長者

張問道幼克孝母病割股和藥以進尋愈

任師琦年方總角母疾篤割股和藥以進母尋愈後十
五年卒老年事父猶若嬰兒族黨咸稱爲孝子而不
名

謝肩綱幼克孝勤苦以供甘旨母病割股和藥進之尋

愈後二十三年終人以爲孝威焉

謝之庶乾隆二年縣舉孝子請旌

武文衡字商平歲貢生少攻舉業與皖桐方百川交始

篤專于經史內行捐潔授徒多人歲入不過三十金

而力孝養親無違志其父老矣不事詩書非博塞則

終日焦然每失負從親戚丐貸文衡隨而私償之率

以爲常父大安以爲于家無累也後竟以貧死方望

溪重其人爲作墓表

芮大望胡順日

割股療父

張嘉貞陳子有陳運升吳本仁

割股

療從父

謝世珩胡志龍王立基陳心子劉正邇劉之亨陳治楷

涿水縣志

卷九 孝友

十四

均割股療母

戴得道父母死廬子墓有虎夜入室得道跪墓前自陳

不肖狀虎伏其旁移時去

章楫張元采父母歿廬墓

王可文生員楊自秀侯也母任氏病篤可文挖心授姊

氏煎劑以進母子俱獲全暑令陳繼祖通詳奉憲檄

令伊主與其妻一並放贖待母給匾以獎

鄉賢

朱

俞鼎字祇若崇寧間以上舍賜進士第一僉書鎮南軍判官未赴改授辟雍博士秘書省正字屢遷給事中不合于時出爲襄陽府鹿門寺僧有敗行奏沒其田半入官以助軍餉還拜給事中上書論學校其言頗行又嘗言外郡之切要者監司守令而已苟非其人則下有冤抑何繇越而白天子哉上深嘉其言賜對衣金帶會蔡京再相憾向所用事者多畔已奏出知河陽改開德府未幾轉拜御史中丞陳士風六弊又發戶部尚書劉炳陰事京方倚炳鼎適反其意改翰

深永縣志

卷九 鄉賢

十五

林學士最後以毀紹聖法度被謫尋復述古殿直學士知江寧府

按桌作俞氏釋褐題名記其祖考始備六經以詔昆裔越五十年始有釋褐而歸者自天聖訖今凡十人非朝廷樂育之效與故相岐公嘗以十榜傳家爲美桌誦其詩而悅之因作十榜傳家記追念先澤刻石垂訓學者勿嬉勿隨桌踵舊武以忠義報國益振家聲諸科如良佐良弼城珏仲翁徹頤迎聘布自升皆不覲科名云

魏良臣字道弼負資瑰偉少游郡學歸母病已至良臣刲股爲糜以進下咽卽安間里稱孝宜和三年登進士第初授丹徒尉詣闕投匭伸太學陳東冤天下高其義徽宗南廵上疏請還闕不報調嚴州壽昌令以最召對除勅令刪定官選吏部員外郎金人犯高郵擇使講和高宗曰魏良臣頗有氣節宜往會邊臣開疊金人怒欲勿盟良臣曰初天子讓未下邊臣惟有死戰耳金人憚之與之盟而退還除禮部郎官遷左右司檢正秦檜當國欲畀以言職力辭適金人敗盟

深永縣志

卷九 鄉賢

十六

擢吏部侍郎復奉使兀朮擁精銳以拒之欲畫江爲界良臣毅然曰有國書在且分淮而守定初議者卽某也其他非所敢知反復持論迄定議如初于是秦檜忌之出知池州二州檜死召參大政首請出衣冠之囚歸蠶瘁之冤起淹抑斥姦回修軍政罷冗官節浮費時政一新同輩咸爲側目竟以資政殿學士出知紹興後復歷知宣州潭洪諸郡卒年六十九贈光祿大夫建康郡開國侯食邑千三百戶食實封二百戶謚敏肅

吳柔勝字勝之父茂成爲深水教授因家于深柔勝幼
聽父講伊洛書數能懸解平生不妄言笑游庠序間
儕輩嚴憚之登淳熙八年進士丞相趙汝愚廉其才
授以嘉興教授浙西使者將薦用之會汝愚去御史
湯碩劾柔勝嘗救荒浙右爲汝愚收人心又嘗黨朱
熹之學不可爲士子率始柔勝舉諸生潘時舉呂喬
年白子長輩講明朱子四書解伊洛之傳爲之一振
故忌者中之白是屏廢十餘年嘉定間復錄用凡四
遷至司農寺丞出知隨州時和議復成禁諸郡毋開

深水縣志

卷九 鄉賢

七

邊隙犯者立誅有梁舉者北人盜其馬阜追而與之
鬪北人以爲言郡下七人于獄柔勝至立破械縱之
以其狀遣報北人而已嘗收孟宗政扈再興隸帳下
後二人者皆爲名將又招亡命者十人喪曰忠勇軍
士氣復揚築隨州棗陽二城及補葺營壘甚備先是
隨州經兵火井里爲墟至是稍還舊觀隨人大悅除
京西提刑領州如故改湖北運判兼知鄂州甫至歲
大饑乃乞糴于湖廣遠近賴以全活者甚衆收知太
平州最後除秘閣修撰主宮觀卒謚正簡

舊志黃汝金曰按史吳柔勝父子皆宜州人深水
在宋未嘗隸宜州今寧國已列于鄉賢深水復收
者誤也徽州又指淵潛爲休寧玉堂巷人特以宣
州籍登進士耳據此則深水愈遠矣今高淳亦祀
于鄉深水誤之也湖州亦載柔勝以墓在誤之也
徐獻忠掌故集及他志槩稱深水人未詳史耳然
三賢祀于深者有年矣姑仍之但著此存疑云

按氏諸柔勝父茂成河南桑棗門人以鄉貢進士除
深水教授遂家于深卒葬城西大洪村石牛壘子
孫一居唐朝巷一居南門外萬壽街三賢應祀于
深前志收之非誤也其在寧國者爲誠六派在高

深水縣志

卷九 鄉賢

六

淳南唐者爲誠三派並非茂成一支
故仍錄黃山人之說而特爲考正之

吳淵字道父柔勝第三子也幼端重寡言苦志立學五
歲喪母哀慕如成人嘉定七年舉進士調建德縣主
簿丞相史彌遠奇之語竟日大悅謂淵曰君國器也
今開化新置尉姑以此處君淵力辭而去及丁父憂
詔以前職起復辭弗許乃貽書政府曰人道莫大於
事親事親莫大於送死苟旨哀求榮則平生大節掃
地矣公家尚安用之時丞相史嵩之方起復淵復上
疏議者難之淵弗顧詔竟從其乞後廷議欲用兵中

原以據關守河爲說時淵方進用乃力陳其不可大
要謂國家力決不能取縱取之決不能守宰相鄭清
之不樂罷出知江州無何果如淵議清之致書引咎
焉淵在位所至稱治辦計淵所嘗賑濟全活者二百
萬餘人又嘗有殲寇功後詔褒淵善政凡二十五事
遂拜資政殿大學士封金陵侯進爵爲公無何爲御
史劉元龍所劾淵平時被劾或左遷或奪官者數矣
至是帝始寢其奏至寶祐五年復以軍功拜叅知政
事越七日卒贈少師賻銀絹以五百計議者謂淵有

溧水縣志

卷九 鄉賢

五

材畧又能興學養士第其政尚嚴酷弟潛亦數諫止
之所著易解及退庵文集奏議

吳潛字毅夫柔勝之季子也嘉定十年登進士第一授
承事郎僉鎮東軍節度判官紹定四年累遷尚書右
郎官會都城火潛上疏累百言其旨云願陛下引咎
修省必使國人信之毋徒減膳徹樂而忽其大者若
以並進君子小人爲包荒兼容那說正論爲皇極則
致災之由端在此矣惟陛下一反之庶幾天意可回
也又貽書丞相史彌遠論時政凡六事歷少府少卿

淮西總領因白執政曰今金人既滅南北爲鄰但宜
堅守以養國威毋用兵內地自敵爲也自後興師輒
敗潛言率驗遷大府卿權沿江制置知建康府江東
安撫留守上疏論保蜀襄防江海進取有甚難者三
事端平元年詔求直言潛首陳九事中忤時政罷奉
祀改秘閣修撰尋爲太常少卿奉造斛斗輪諸郡租
寬恤人戶培植根本凡十五事又言和戰成敗大計
貽書執政論京西旣失當招收京淮精兵以保江西
時國漸削潛復言曰望陛下念大業將傾士習已壞

溧水縣志

卷九 鄉賢

三

以靜專察羣情以剛明消衆惡毋以術數相高而以
事功相勉毋以陰謀相訐而以識見相先庶幾危者
尚可安而衰者尚可起也又請分路取士以收淮襄
人物上邊儲防禦等十五事及論防拓江海團結措
置等事又言艱屯蹙困之時非反身修德無以求亨
通之理乞遷選近族維係人心以俟太子之生帝嘉
納之潛有言輒進而言願弗行也後累遷僉書樞密
院事進封金陵郡侯以亢旱乞罷免召同知樞密院
兼叅知政事入對言國家之不能無敵猶人之不能

無病今日之病不但倉扁望之而驚庸醫亦望而驚矣願陛下篤任元老博采衆益使臣輩得以效牛溲馬勃之助以不辱陛下知人之明淳祐十一年入爲叅知政事拜右丞相兼樞密使明年以水災罷後以醴泉觀使兼侍讀召入對論畏天命結民心進賢才通下情四事進左丞相封許國公元兵渡江攻鄂州潛奏今鄂渚被兵湖南擾動推原禍根良由近年姦臣儉士設爲虛議迷國誤君其禍一二年而愈酷公道晦蝕名節喪敗天怒人怨積爲宗社之憂將立度

漢水縣志

卷九 鄉賢

三

宗爲太子潛密奏云臣無彌遠之材忠王無陛下之福帝怒賈似道因令沈炎劾之遂落職謫建昌軍尋徙潮州責授化州團練使循州安置潛預知死日語人曰吾將逝矣夜必雷風大作已而果然四鼓開霽撰遺表作詩頌端坐而逝天下究之德祐元年追復原官明年以太府卿柳岳請贈謚特贈少師史稱潛忠亮剛直才長於奏對凡三百餘疏載年譜中初賈似道移貴州謂潛欲殺已故街之深及潛既逐似道猶屢中之至令劉宗申毒殺潛潛且死猶以死諫烈矣哉丁氏許以文天祥之亞不過也後似道爲門下鄭虎臣殺死有趙介如弔以文曰嗚呼展齊死循死於宗

申先生死聞死於虎臣吁蓋之矣又有吳循州賈循州之語天下快之可見稟然氣節常在人間後世可不畏哉

明

趙居仁名本以字行鑑之孫生而頽悟長以學行聞洪武間以薦辟起授通政使司右叅議後外擢未幾復授通政司左通政以苦節自勵家無蓋藏其孫往省之止給鈔二貫令徒步歸聞者駭之永樂間出治水潮江居仁患之曰艱哉斯役也人成之而潮毀之徒使吾民死板築已耳以文請於海神潮三日弗至功

漢水縣志

卷九 鄉賢

三

遂成

端木孝文端木孝思以善二子也明初同爲史官善屬文季氏尤工書法初孝文使朝鮮朝鮮重其才將厚爲壽問端木太史行李何在孝文曰吾持一節來耳請以一節返無何孝思復使朝鮮孝文勉以詩孝思拜受而夫後亦以一節還報兄朝鮮榮共事爲立雙清館表之聞朝鮮人收孝思寸楮卽寶之曰此小史碎金也其見重如此

丁沂字宗魯由進士初任郎署間名長者歷官副都御

史正德間考天下清正第一

武昌字元亮別號桓璫以字行幼有奇志長成偉人嗜
好經史詩詞不營貨利雖席素封澹然自適惟以課
子爲事性好山水交友歲以爲樂早年嘗以例授浙
江臬司尋未赴終以子尚耕黃贈福建僉憲加贈四
川叅藩人皆以其生平好施行德食報不爽也江西
泰和郭子章中丞爲之誌又叙其詩詩有攸好堂存
稿若干卷行於世

武尚耕號秦川隆慶庚午舉於鄉辛未成進士授廣東
三水縣志

卷九 鄉賢

三

程鄉縣知縣考選禮科給事中歷遷湖廣左布政先
任四川叅政值洞鑿之亂奉詔征討以功特陞登靖
勳勳于義唱山石時朝右僉重其才能膽畧居官以
清介自持不受一錢及歸田仍守布素里人王希仁
往見之三子侍體無完衣以是清名大著先是曾夢
秦川二字遂以爲號後仕楚有餞飲于秦川閣者訝
而知其官之所止云有詩稿若干卷行於世

王名登號雲臺萬厯丁未進士授大名府元城縣知縣
居官有清白操歷遷保定府知府操益勵卒于官人

皆惜之幼孤事寡母如嚴父居官首重學校諸生中
貧而有志者嘗捐俸餽之拔識士多至通顯所歷非
一官元城有去思碑唐縣入名宦祠

鄉宦

宋

司徒吉字甫祥宋集賢殿學士司徒翊八世孫建炎二
年以荐辟陳靖邊策于宗澤奇之聞於上詔叅謀宗
軍會忤和議表議官命留守建康稱大治卜居邑南
仙杏山邑有司徒氏自吉始

三水縣志

卷九 鄉宦

四

王景雲字仲慶生而穎異及長學問宏博咸淳間以薦
辟授清流簿與弟景華嘗捐貲周恤貧乏建怡怡亭
宴樂至老不忍析居副使劉應昂爲撰墓志銘謂雲
家有田氏紫荆之義云

元

趙雷澤字師舜龍澤弟也以才選爲建寧路推官通敏
練達首先教化修朱子祠使士子知向正學其他嚴
訟牒禁淫祀平反冤獄徐孝等治行稱最翰林杜本
爲撰德政記